

新刊國朝二百家名賢文粹

論者

官職二

小臣論

侯賢良

閤閣寺之設其來久矣古之聖人非樂其爲用也其以男女
貴別而嬪御之間非士人之所可授受夫是以不得已而用之
然古之閤寺非若後世之熏薰腐穢而養畜也蓋因刑余之人
而擇其可任者使之給役於宮寢之內其待之猶與臺云尔如
其才也則爵之以上士而官之曰內小臣用之如此其輕也彼
其所職意亦不出乎六宮之事尔其餘閤寺得以通与外事者
亦惟從后妃嬪御之出入耳夫以小臣爲才矣而其爵不過上
士且不得預朝廷之政此其意何哉蓋聖人思慮後世而爲之
大法也夫天下之禍莫大乎閤宮掖而專政事彼閤寺者且暮
出乎宮掖之人皆習熟而使安之苟效謀校等内外騰結實將

有不可測知而天下之事大亂矣且刑餘之人何所顧藉退而
視其室則思妻妾之情悅而顧其後則死子孫之親其所以爲
妻妾子孫者衆則成一家而散則皆行道之人尔如此而欲進德
修業不亦難哉歷觀自古官人如周之巷伯漢之呂強皆才而
知義雖實之於位可也求其等夷蓋千百計而未得乎一二不
義者殊多而義者殊少且嘗思而得之矣夫天地之生人男爲
陽女爲陰陽爲動爲舒陰爲靜爲慘今官官其生固男也而熏
腐之使失其所以爲陽之道陽性好動今抑而同之陰則其
陽動之性動而入於陰慘是故官官之性皆慘毒而少仁恕此
古先聖王所以深究其性而戒其預政也凡天下之事禁之於
未然則人恬而不怨及其已然也而後禁之則有触望怨之心生
是故聖人慎之重之苟有所設雖已然之事亦使人不知其爲
禁而弊自革嗚呼至哉自漢至于有唐而官官之爵高非復周
之上士也其爵至公侯其位至將相窮凶極惡以素亂天下凡

聖漢北齊李唐之亡皆是物也所可議者漢唐之亡其源皆出於官宦官宦誅而宗社亦隨以喪亡故前賢以爲鷹頭之蠅廟垣之鼠去之則驚鷹而損廟巨獨以爲不然必權在天子而奮以族其敗國蠹政甚也而誅之固無損於宗社權在下誅之非天子之命則是照君也方是之時人君猶木偶尔安能復有其龜鼎哉雖復衣本初崔昌遐不爲誅殄之計而漢唐之祚固不可延何哉陵夷之勢極也本朝太祖之初闡寺無有蹟者至雍熙中主仁睿始授諸司副使淳化中竇神興始授諸司使然神宗遠監前古太爲之防而折其預政之漸以王維恩平蜀之功相府議以宣徽授之此以非常之授而甚非常之勲不爲過矣然神宗顧惜治弊切責相府乃建宣政之名而授之至于真廟而中官之爵有至兼車者然天下之議不以真廟崇濫番寺爲過者何也顧特授之以恩其勢尔未嘗輕信其言亦未嘗輕免其罪也嘗聞史崇真自嘉州還言三縣令貪廉不同乃命監

司審察之楊繼疑奏死卒自溺付外鞠劾此不輕信其言也張
守恩以役夫斃於木下而抵極法王繼恩以交結備於中外而
謫均州此不輕免其罪也天下之民至愚而不可欺也人主言
動於上而天下之民擬議於下太宗真宗之際中官漸享爵位
而天下之民不以為崇獎仁宗永明繼成一遵真廟之矩矱而
天下之議以為中官漸盛矣伏自陛下即位抑其黨勢而緩其
禁令大者黜之小者罰之此誠祖宗之所以立治也然目愚切
以為近習之人寬假日久方陛下黜之罰之之初其等夷能死
觴望哉陛下以剛明之德久而不渝彼其心固已安之為常矣
儻者為詔令深迷前古之善敗而刻石於內省俾聖子神孫觀
而循之无復假闕寺之權此亦慮民慮後世之長策也

論官者

定庵先生

自古任官官未有不乱云觀漢唐可見矣蓋閹宦之害余雖有寸
贊止可儆官廷使令人主固不當聽信而朝廷大臣亦不宜去

之交通薦引熙豐用事者乃言宦官中如李憲之奏事表疏張茂則之廉甘昭吉之不言功宋用臣馮宗道之辦事求之朝士罕有此源一開故崇觀宣和以來童貫楊戩譚稹梁師成李彥等卒亂天下余平生惡此輩方師成提率三館余作校書郎同舍皆往見余獨不謁蔡攸燕師成館中衆因此時投獻書啓余故以直宿早出避之爲諫官時每待對殿廡會稽陳中司嘗與諸璫執手交語余至則皆散去無一敢相近者豈不知此輩親近人主而孤立一身與之爲仇非自全計但性所不喜不能勉強昔高力士盛時公卿大臣至有父事之者而李太白獨以氣凌之醉使脫靴雖坐是不見用抑何使哉

擇守令上

祖來先生

養民無他郡守縣令而已古者八家一井風俗相類巧拙相齊財貨相通存亡相恤出入相同嫁娶相媒無有相貸疾病相救情性得以相親生產得以相養故君無爲於上而民安樂於下

爭奪鬪訟不作自秦壞井田之制而一閭一巷之中風俗不相
類巧拙不相齊財貨不相通存亡不相恤出入不相伺嫁娶不
相媒有無不相貸疾病不相救強暴弱衆怯寡富者兼并豪奪
貧者奴隸管役爭奪鬪訟競作皆領于郡守縣令郡守縣令賢
乎豪強者抑之武暴者摧之窮乏者振之鰥寡者恤之幼弱者
存之疾病者救之嫁娶者媒之鬪訟者平之則民得所養矣郡
守縣令不賢則輔豪強右武暴虐窮民凌鰥寡欺幼弱苦疾病
滯嫁娶在鬪訟則民失所養矣故曰養民無他官郡守縣令而
已國家張官設職皆得其道唯郡守縣令傷於輕授天子養民
之德厚於三代愛民之心同於堯舜然而有天下八十年八十
年養之愛之爲日不淺推恩不薄而民心猶未結故賦歛少重
征役少過則怨叛之心生者郡守縣令離民之心而積民之怨
也天子雖有養民之德壅之而不使下達強者武斷民自出其
政民之財皆入于我柔懦者以政委於吏而縱吏暴民而籠取

民財就吏乞索其餘國家所任守令不強能則柔懦清白循良
千里或無一人民何由得其舒樂噫天子八十年孜孜勤勤養
之愛之郡守縣令孜孜勤勤八十年毒之虐之民安得不怨叛
矣桀紂秦之民怨叛者桀紂秦自爲之也國家之民怨者郡守
縣令爲之也臣竊慮國家之患終成於郡守縣令國家如欲解
民之怨周祖宗万世之基莫若重郡守縣令之任今才不才
而任判司簿尉即而縣令才而不才兩任通判即而知州此乃
爲弊之源也臣今欲令兩省官提刑轉運知州通判於判司簿
尉中舉縣令舉者滿五人不以資考深淺使除縣令又令中奉
京官爲縣令後一任三考無公私過犯奉者滿五人而除兩使
職者乃令知縣舉爲職官知縣後一任三考无公私過犯舉者
滿五人與除京官仍令知縣兩任无職私過犯奉者滿五人除
通判舉爲通判後兩任無職私過犯奉者滿五人除知州爲知
州後兩任無職私過犯兩省官已上舉者滿五人與外陞臺省

清要判司簿尉苟終身無人舉奏則終身不迁雖奉充縣令苟
三任無人舉奏者不以為无過犯降充判司簿尉京官職官知
縣三任無人舉奏者以有無過犯充監當通判終身無人奉奏
則終身不遷雖已舉充知州三任無人舉奏不以為无過犯却
降為通判如此行之十年天下無人不知郡守無一人貪賊縣
令海內無一不獲之民人人皆得其養若然則國家可自四帝
傳至萬世可得八十年傳至万億年矣

擇守令下

同前

或問臣曰子云養民無他在於郡守縣令守令果賢則寒能衣
之乎飢能哺之乎臣荅曰民得乎郡守縣令非要乎寒衣之而
飢哺之也民得所養矣无暴賦无橫歛無急征无苦役無苛政
無撓閭里無奪民時民得日出而作日入而息寒而耕熱而耘
老者在家壯者在野用天之道分地之利上以養父母下以養
妻子此謂郡守縣令養民之道非要其寒衣之而飢哺之也臣

生長閭里民之疾苦盡知之矣國家賦歛征役不重民實樂輸之郡守縣令不賢則一尺之賦倍取猶不已十錢之歛百錢猶不足一人之役五人猶不充此所以咨嗟而怨生也當時郡縣吏操符帖下村要帶刀手執棒張氣使酒往來閭里中出辱老人呵禁婦女里北門兩人出里南門三人入或上藩籬捉雞犬或就田里縛丁壯民不得所謂日出而作日入而息寒而耕夏而耘此所以失所養也逾時大雨驟陽肆威万物焦禁河渠皆溢水伯仍怒五穀勞死步蟬得時飛蝗蔽天隴無遺穗天子則憂勞日具念民之災遂宣德音重恤民苦彼郡守縣令乃曰目所治郡所治縣風雨時蝗不爲災使王澤不得下流民情不得上通此郡守縣令離民之心積民之怨也養民者固在郡守縣令殺人者亦在郡守縣令可不慎歟

郡牧論

宋景公

昔王嘉之言國家有意取辦於二千石二千石尊重難傾乃能

使下且嘗以嘉為知言夫王者靖居九重之中獨之壘鉤有謂
然變利之意下無由知雖有曉然寬大之令民無由曉故臨遣
二千石以鎮郡國使其輪上之意以撫下曲下之情以聞上上
下之際沛然無壅此刺史所以而國休戚天子所以授任蒙成
之意也宣帝曰與我共此惟良二千石乎故受授之間不得不
慎國家茂稽天秩祇建王僚諮循吏以作民師進正臣而端治
本番休進上以仁佐賢振振焉騁羽之集西雖子子為旗干之
紕良馬可謂得人為盛當事立功然而政不加乎民不進理罪
畧逾密導源浸濫其一端殆二千石責任之不至也請試言之
自太宗右文真皇執競陛下以光華重協清和有聲奮揚乾綱
總挐天緯戎索不警方內久安邊吏耳不聞擅車之聲齊民目
不睹贏粮之役四十年矣故所倚於二千石者時皆簿領之期
會獄犴之文致無益之細故不急之常務積習成敝以為二千
石之職適如是尔談所任之意愈薄所假之權益輕或數月輒

遷或期年罷去送迎新故既已蕭然新盜謀欺寢亦隨茲且又
敦薄參進廉鄙並塗非有法度可循條教可紀也雖詔制嚴密
法網周設適足使中才懷疑內顧下才畏罪求免懷疑既功無
必成求免亦無所不至矣受授若是國何賴焉巨願一二以條
其失巨聞春秋之義用貴治賤不以卑臨尊何也上下有級則
勳不陵表率素定則人知信伏見今列郡四百皆雜取朝著以
充守尉不課名實不覆賢愚第以久次一切署遣雖文敏肅給
不絕於位而叛黨貪冒相繼已多是使泥濘久濁清流良莠益
害良稼且故曰所任之愈愈薄意薄則官賤矣所假之權益輕
權輕則器卑矣威權既奪而欲使人臨難仗節義不內顧不可
得也古者重名與器非爲以虛尊加之欲一民之歸系民之志
而後可使也夫上有常貴則觖望易裁下無偷令則善化日聳
習安其教中道若性故使之志勞悅之志死蹈白刃赴滄海不
辭也其惠之有素治之既定今則不然賢不肖魚貫悉材諸位

心姓狀兒未簡上心循言治行弗允清議直使之模表千里宣
贊五教其路士繇也夫生齒日盛闢寓日廣苟不講禮誼以
示之崇軌物以納之慎官師以式之欲望龔黃之政術召杜之
治最沒世不可見也且水旱天所代有兵革邦之常備假一緩
急則輕度財賦倚辦於郡國也安輯方略籍成於守尉也背邪
趨正勞而不怨系之於廉恥張而風俗厚也三者治之大而二
千石爲之本豈不重乎又况風澆化汚政垢令翫人不嚮誼家
無完行東愈薄之意待不擇之官持益輕之權化已敝之俗自
不見其易也陶唐三考黜陟則九歲矣天道五年大備則再閏
矣漢家厲精政道而苦守令之數易其治入高等皆賜金增秩
以慰厚其意由是而談郡守之難選昭嚴古所弗取平津侯曰
操曲木者不累日銷金石者不累月自謂暮年而化尚竊遲之
且以平津虛爲勝談以邀誤賞可矣非極摯之論也治民之意
異於是焉先威以制其情後教以定其忠信冰肌膚恩淪骨髓

然後示之君臣之義父子之節曠然一變首之正路不數十年
民亦不信金石齒木無情之物一化不變故易制焉民者生之
靈也教者民之紀也不植則僵不脩則壞憚其慮始必怠樂其
既成則安故曰艱難之業當累日也巨願國家與大呂試圖其
事遊東守尉必得其人辭去之日缺半日之間賜前席之間陰
察其言退考其行練覈得實矣然後久歲月以效之必誅賞以
信之其治理轉聞課品尤異者賜金增秩略循漢家故事公卿
空乏以次外用悉罷暮年數月之命不專常務細政之責使其禮
讓興於民踴躍之心絕矣賢才安於官苟且之心塞矣乃一遷
場有重錡之警賦畝有二鬴之困則斯人也惟上所命順指致
意豈不悅哉

贊曰良二千石教化是職敝出輕授理興慎擇千里模表十
行方國天子是毗吾民滋殖

守宰論

呂中丞

臣聞天生蒸人禡之君以司牧德施則其風厚厚則安於樂土
政散則其民怨怨則懷子有仁未有本不固其邦家長守也君
民者代天亨毒慎修德政不固基本然天下之廣非賢何以輔
其不迨自秦罷侯國分置郡邑而後因襲命官以均乃任惟其
人則用治道之以教緼之以仁三時之務不奪其力使之蕃息
以厚其生誠守宰之事也若乃昧拯濟之術慘毒于下重賦歛
以賡其賸勞力役以困其業使之慄慄而不聊豈承流宣化之
道哉噫民之生也各食其力有國者以賢者有德能底於人故
率民之力以養育共天下之治也歸公廩殫民力而微德底其
於民庶何凡以竹符墨綬假之以任豈宜專於有司惟代天亨
毒者當審賢以授之躋元元於富貴召和氣以塞天意苟非其
人為民之累豈天命司牧之意哉

郡守論

侯賢良

漢唐之天下固治矣其所以不能粹然偕三代之盛者何歟其

弊在於郡守而已矣夫人材有薄厚吏治有循酷舉天下之大而百郡之守賢不肖雜焉欲吾民一聞於仁義禮樂之化其亦艱哉夫河南潁川北郡尔西漢時嚴延年守河南黃霸守潁川延年任刑刻急而霸專務以德化人何潁川之幸而河南之不幸哉且夫天生蒸民賢者寡不賢者衆苟百郡之守得賢者十四五茲過優矣况賢者十不一二乎嘗觀之史而迹當時之良吏公名卿嘗歷郡守而不在循吏傳者不遑百人雖吏官不亡其所以治郡之迹然以理求之惡有賢公名卿而不能於治郡邪由此而言漢唐百郡之守殆未能盡得乎良吏也不然國史實錄於上野史拾遺於下其功名不得而湮滅矣後世之無聞乎漢唐之弊則然又因當今之宜而論之曰今天下郡守能否實難定以異於漢唐之日也而二年一易雖送故迎新之勞而利害兼存其間彼循吏之所居也而二年以著令當易是奪吾民之父母也不幸而得貪虐庸汚之吏則斯民也唯恐義

和之安行而不速及夫二年以著令而去是吾民脫於豺虎而
失於贅疣也巨嘗竊揆朝廷之意豈不欲四海之內無一人疾
首蹙頞者哉豈不欲郡守縣令承流宣化於天下哉然郡守猶
失人者其弊可指而談今夫州郡之從政者才与不才苟仕及
六七年而有薦舉則進而授之京曹使之爲邑於四方矣苟再
爲邑而得而薦幸之人又從而登於郡尉矣兩踐郡尉而又得
薦幸之人則銅符朱幡可以坐而必得夫其薦幸之初未必才
能之可用也或以援与或以方技或以苟談倖笑彼其得之也
不主於才能而欲其有寧民阜物之功蓋幾希矣夫賢人長於
知人庸人短於自知夫惟短於自知也故其得一郡則其心陽
陽然不以爲畏率嘗輕淺見妄於立事不能奉法循理以安一
郡之民此無它耻於得郡而愚不能爲因肆其愚以有爲而復
不顧生民之嗟戚也爲今之策无若諭禁近大目使每歲各舉
常參官一充郡守苟有才用雖縣令郡尉之資皆可擢任第補

之曰權可也或曰凡縣今郡尉之人而得以臨郡牙乃過故臣
對曰無其才而得之謂之過才所當得而得之謂之稱董生有
言賢材雖未久不害爲輔佐輔佐猶可爲也而況於一郡乎夫
事固有可行之時有不可行之時行可行於可行之時則隆行
不可行於不可行之時則凶今諭禁近大目而使之精卒郡守
固可行之時也熙天下之民而宣主相之化在此卒矣何謂可
行之時昔者朝廷未建考課之司而職司守尉雜然无所檢押
凡職司之精銳廉按者焉夫默默而去者未始殊也伏自陛下
建考課院以數職司之能否其爲制也則以每歲參分郡守爲
三等取優者一人爲上劣者一人爲下自尔以來職司皆謹於
廉按而郡守之庸劣不才者歲可見焉今也以逐臣之卒而任
之矣就使庸劣不才則職司之曲底亦不得而加何則優劣之
相形而劣者一人將有以許辨也臣故曰今諭禁近大目而使
之精卒郡守爲可行之時也

將帥論

呂中丞

且謂陸贄謂天下安注意相天下危注意將直語其當世之急
殆非經國之至論也何則天下重器也在人主置之安危安危
自於上輔上者非將相之任乎內則謀謨乎廟堂外則捍禦於
邊裔惟民之命舒慘生殺系于將相雖分擘其事寔相頤而治
矣必曰安不忘危治不忘亂豈待賢主意與時而異乎禮曰一
弛一張文武之道以世運相接而稱治者莫盛於有唐開元帝
荷祖宗之基緒賴姚宋之佐始終一德至于太平暨林甫國忠
用事吐倚益深威福之柄彼其專執麾節鉞授之匪人貔虎
爪牙驕而不練英雄伺隙芽孽其中藩臣跋扈連衡於外卒致
中原板蕩蓋失居安之慮矣我宋開基剗革多難祥符而後方
隅帖泰兵革消偃人習俎豆而不識金鼓之聲西汾東岱曠祀
畢幸開元之功我無由讓及天聖嗣歷昌明寢益積三十歲而
元昊叛命是亦兇巢蓄銳由來漸矣連歲征戰軍無還師尋復

盟好迄至小康誠武備不甚俾是醜寇從容得計安危之鑒其則不遠鶴霄乘軒衛人無闕意誠祿養之不至矣諺云垂夷不恭拔卒為將是豈訓練之素乎夫先事而謀則幸無遺筭無恃寇之不至恃吾有以待之術斯禦戎之善策則閭外之寄安可臨危而圖任審乎注意非今日之事乎

御將

老泉先生

人君御相易而御將難將有二有賢將有才將而御才將尤難御相以禮御將以術御賢將之術以信御才將之術以智不以禮不以信是不為也不以術不以智是不能也故曰御將難而御才將尤難六畜其初皆獸也彼虎豹能搏能噬而馬亦能蹄牛亦能觸先王知能搏能噬者不可以人力制故殺之殺之不能驅之而後已蹄者可馭以羈紲觸者可拘以楅衡故先王不忍弄其材而廢天下之用如曰是能蹄是能觸當與虎豹并殺而同馭則是天下無麒麟終無以服乘耶先王之選才也自非

大英劇惡如虎豹之不可以變其搏噬者未始不欲制之以術而全其才以適於用況爲將者又不可責以廉隅細謹顧其才何如耳漢之衛霍趙充國唐之李靖李勣賢將也漢之韓信黥布彭越唐之薛萬徹侯君集盛彥師才將也賢將既不多有得才者而任之可也苟又曰是難細則是不肖者而後可也結以重恩示以赤心美田宅大飲饌歌童舞女以極其口腹耳目之欲而折之以威此先王之所以御才將者也近之論者或曰將之所以畢智竭力犯霜露蹈白刃而不辭者冀賞耳爲國家者不如勿先賞以邀其成功或曰賞所以使人不先賞人不爲我用是皆一隅之談非通論也將之才固有大小傑然於庸將之中者才小者也傑然於才將之中者才大者也才小志亦小才大志亦大人君當觀其才之小大而爲之制御之術一隅之說不可用也夫養驥驥者豐其刍粒繫其羈絡居之新閑浴之清泉而後責之千里彼驥驥者其志常在千里也夫豈以一飽而

廢其志哉至於養鷹則不然獲一雉飼以一雀獲一兔飼以一鼠彼知不盡力於擊搏則其勢無所得食故然後爲我用才大者騏驥也不先賞之是養騏驥者飢之而責其千里不可得也才小者鷹也先賞之是養鷹者飽之而求其擊搏亦不可得也是故先賞之說可施之才大者不先賞之說可施之才小者兼而用之可也昔者漢高帝一見韓信而授以上將解衣衣之推食哺之一見黥布而以爲淮南王供具飲食如王者一見彭越而以爲相國當是之時三人者未有功於漢也厥後追項籍攻下與信越期而不至捐數千里之地以畀之如弁弊徒項氏未滅天下未定而三人者已極富貴矣何則高帝知三人者之志大不極於富貴則不爲我用雖極於富貴而不滅項氏不定天下則其志不已也至於樊噲曾勝公灌嬰之徒則不然拔一城陷一陣而後增數級之爵否則終歲不遷也項氏已滅天下已定樊噲曾勝公灌嬰之徒計百戰之功而後爵之通侯夫豈高帝至

此而當哉知其才小而志小雖不先賞不怨而先賞之則彼將
素然自滿而不復以立功為事故也意方韓信之立於齊蒯通
武涉之說未去也當是之時而奪之王漢其殆哉夫人豈不欲
三分天下而自立者而彼則曰漢王不奪我齊也故齊不捐則韓信
不懷韓信無內心則天下非漢之有嗚呼高帝可謂知大計者矣

將將

王樞密

上下有間則雖大智不能以成功君臣無疑則雖中材亦可以
立事明主知疑間之害功也於是毀與之同憂而譽與之同樂
見譽則告之以其譽聞毀則示之以其毀彼譽之者實邪則悅
矣妄邪則愧矣毀之者是邪則懼矣非邪則不憂矣如此而彼
不樂為之用願為之死者無所容於天下也不獨為將者自竭
而已軍中之士將密相謂而竦曰吾君待吾將如此其厚也信
吾將如此其深也何言而不從何動而不應則尊嚴畏事之心
加而驕庸輕侮之心不敢生矣將不疑君士不慢將而功不成

潛未之有也若夫毀譽塞而情不交則疑疑則憂且懼矣憂懼
攻其中則將自戰之不暇其能復有爲乎善將將者不可不知
此也

將論

宛丘先生

天子之巨自公卿大夫雖或闕焉而不足以爲急其不可以一
日闕者其爲將乎夫將之所以爲急者非以夫任之有以過夫
公卿大夫也爲其事之不常有而人之能之者少也今天鑒之
爲藥也金石草木之珍世之所共有者未必藏也至於遠方之
物山海之奇產而夫人力之不可以常得者則必預畜以待其
用今天百姓之不安而財用之不登刑罰之未平而禮義之不
興其爲患大矣然其爲事也天下之所習知故其爲術也人人
皆足以措手足卒然求其人而易得也講其術而易曉也譬之
於金石草木之珍其所治者大矣然人人所知而有之雖不素
有而無一旦之急提百萬之卒以與人戰勝則生敗則死天下

之人無事則廢而不講有事則避而不願見者也故其爲事不常有於天下幸而千萬人之間而有一人焉卒焉而知其術用焉而見其利故人之習之者少非卒然可以朝求而夕得苟取而驟用者也譬之有疾於此而待遠方之奇藥豈不殆哉先王知其然故雖隆仁義禮樂以化天下之俗消伏悖戾好爭之心而常陰求天下之奇才以待不測之患蓋嘗寓其法於六遂之間使卒乘車徒之制素具而朝廷之公卿大夫外之諸侯之君朝廷宴饗從容歡欣之際必陳弓矢以講射而四時之隙則命有司以講武以天子之尊而馳騁于草野親金鼓于戈之勞以射取禽獸蓋享宴者人情之所樂而弓矢者威武之事田游者逸樂之事而殺獸者征伐之容蓋先王所以蔽天下之所畏於人情從容之際凡此者所以陰養天下豪傑之氣使之一旦習知其術安之而不懼也是故先主之於將也非特能求之而又能養以致之至于後世秦漢以來其慮天下之變已不能如先

王之時而獨知求而用之而已養之有術以致其才求之有方而知其實此先王之法也故其術無窮養之無術而知求之愈於不求焉可也此下先王之時則十已失其九矣嗚呼先王之法後世既亡矣安坐而不求求之而非道者未見其可也

將材論

濟南先生

臣聞牛羊欲其茁壯也必其善牧車馬欲其習服也必其善御矧軍旅之事將帥之職界之以師律付之以疆場內欲重吾國外欲克吾敵顧不慎哉不可以三軍之元帥姑且脩其負兩國之民命聊且試其技不致其可必爲國禍不求其良必爲民殃故當築壇告廟之始必觀是人果足以稱此禮乎至推轂授鉞之際又觀是人果足以勝吾任乎昔在戰國之紛紛不惟君可以擇臣而且臣亦可以擇君當時英雄挾其長游眎諸侯能我用者然後仕之故欲求將不可遽得今天下爲家四海爲畿罔匪臣僕英雄盡入於彀中多士咸在衆技自敵惟君王所擇所謂

能稱築壇告廟之礼能勝推轂受鉞之任者固亦有之在所選而已昔之論將者其材有五曰勇曰智曰仁曰信曰忠將何以貴乎勇蓋直以養氣威以克愛剛以致其敢義以致其必蔑視敵國而砥礪三軍吾之所指曷敢不從死吾之所麾曷敢不從移非勇則不可犯矣將何以貴乎智蓋使貪使愚各求其所須使勇使智名効其長技俾敵常爲客而不足我常爲主而有餘我常致人而人必應人不可致我而我自如爲勝敗之政如神人默運制奇正之術如環無端非智不能也智則不可亂將何以貴乎仁蓋以慈養其惠以惠養其威寬以御衆衆罔不盡其心悅以使民民罔不盡其力志勞而供武服犯難而圖戰功欲當之可赴深溪必自我視之如嬰兒欲焉之可俱死必自我視之如愛子則非仁何以懷之仁則能愛人故也人不可無信而將之信爲重蓋方其蒞師也國不自外理國容於是乎不入軍軍不從中御軍容於是乎不入國將軍之權專矣如之何交厥

乎於上下布至誠於遠近故貴乎信信則不欺人故也事君皆以忠而將之忠爲大蓋方其用師也上不制於天下不制於地中不制於人將軍之志自用矣如之何惟君是圖而忘其身惟國是憂而忘其家故貴乎忠忠則無二心故也夫有爵有祿士心所屬可安可危君慮所隨士心所屬以賞罰之柄系焉賞刑之所系成敗如轉掌君慮所隨愛憎之變會焉愛憎之所會禍福如鼓機惟信惟忠乃爲建立勛名之權輿杜塞危疑之關鍵也以是五材泛觀于朝如持度以揆長短如操量以較多寡其分別差等殆無遺形大材如壘小材如盃以盃受壘過則溢以壘受盃綽乎兼容故古之人論將有妻子之將有十人之將有百人之將有千人之將有十萬人之將有百萬人之將其材相去遠甚然不離乎五者之間也雖然材必適其用用必適其宜執方而無權守一而不變雖用良材覆爲累德故太公之論將有十過孫武之論將有五危觀其過之所生究其危之所自其初

皆五材之良其失皆五材之蔽有材而不能用至於軍敗國辱
家殘身僇吁可哀也故爲將之道既有五材以御三軍欲觀英
雄之心則又當行之以三禮斷之以三至欲重廟堂之勝筭則
又當持之以五慎審之以五權達事宜而有九變無失九變則
實敵于全囚泥法制則有九拘毋執九拘則立我於全勝古之
人論良將有曰剛則法天可望而不可干柔則像淵可觀而不
可玩去如收電可見而不可追留如丘山可瞻而不可動有將
如此則築壇告廟之礼推轂受鉞之任爲不愧矣故初作三軍
欲謀元帥惟卻縠閱礼樂而敦詩書於是用於晉秦伐阿鄆而
燕侵河上惟穰苴文附衆武勝敵於是用於齊孫武十三篇之
說闔閭試之以婦人卒以強吳吳起七十六戰之功魏武始於
論兵器卒以強魏先軫以下軍之佐而超將中軍不以卑踰尊
爲疑卻氏棠氏以族人從軍不以親同職爲間韓信奮於亡虜
魏尚拔於囚徒充國自率任之而不遽伏波求用試之而不拒

謝安爲姪而不沮其牧親實慮請行而曲聽其神過所用者
也材可用焉不當牽左右近習之好惡不當徇士卒國人之議
論挺然不疑斷以己意夫賢將之徒類皆英雄豪傑之士觀人
君用已如此其重當如之何圖報哉谷永曰楚有子玉得臣文
公爲之側席而坐趙有廉頗馬服強秦不敢窺兵并陞國有賢
將所恃如此惟陛下注意焉陸賈曰天下安注意相天下危注
意將必至天下危注意將則不亦晚乎惟天下安乃注意將之
時是謂治不忘亂安不忘危

將臣論

族賢良

無良喪之備不可以禦寒也無良將之備不可以禦虜也金城
湯池堅甲利兵不足恃也凡所以恃而爲用者在良將亦故將
得人則城者斯爲城也池者斯爲池也甲者斯爲甲也兵者斯
爲兵也將不得人則城池化而爲平陸兵甲化而爲徒身古之
言曰將者人之司命豈虛言哉夫將擇之有道任之有道爲之

有道三者得其道而兵強戰勝矣請問擇將之道曰方今四海之廣非若戰國之狹也士民之衆非若戰國之寡也以戰國之寡狹而孫吳廉趙生其時有天下之廣衆而良將遂乏哉此張耽所以懷季龍之侵寇而辛謝文於涼州也古之稱善知人者無若蕭何劉備蓋何之見韓信備之見孔明不待其成功立事而後知其爲才能故尔以官觀之何知信爲難而倍知孔明爲易何則孔明之聲先重於當時故知之也易信在降李亡虜之間其名稱不聞於人故知之也難雖然何与備固知所以擇之之道矣世之所謂良將者豈自太公之所謂千人之將也明辨好勝以刑釐衆而亡尔馳復徒而塞豺狼之喙幸而一勝則不知其幸而自以爲能是安知大將之術哉賀若弼嘗謂楊素猛將非謀將韓擒虎鬪將非領將史万歲騎將非大將弼之所評皆得之矣然其意以大將自獎是亦好勝者尔大將固不自多者國非大將之器也夫果敢必行謂之猛將靜澗有筭謂之謀將勇

得適捷謂之聞將部統齊肅謂之領將偏師決勝謂之驍將若夫廣大如天地平一如權衡無所不能夫然後謂之大將雖韓信其猶在謀騎二者之間而豈賀若弼所可當邪必不得已則諸葛孔明其殆庶乎凡擇將之道用此觀之可也請問在將之道曰陷之以恩而使之懷愛之以明而使之畏吾之恩苟可懷也彼將死心死節雖有小人爲之離間其心不可得而轉也此高祖解衣推食以啗韓信而蒯通之說所以格而不得行者也吾之明苟可畏也則其動靜不敢自縱進退不敢自私寧安勝以求人主之賞而無玩寇養威之邪意此魏武誥將所以雖千里外如在目前者也臣聞太祖經畫天下擇勇幹忠實智謀之士如郭進李漢超輩而付之邊陲遠者二十年近者十數年不易其任郡所入租賦榮推之利悉以予之恣其貿易市井牛酒以勞王卒不從中覆許以便宜從事是以邊臣皆富於財多寡間謀凡敵人動靜率先知之故其戰則必捷每入朝嘗命外殿

賜坐飲食勞問錫賚蠶異此夫喻之以恩者也郭進在西山軍
投豁進不法太祖曰進取下嚴毅是人畏而誣之命內小臣送
軍校與進此夫震之以明也夫以太祖之明彼固龍言於心矣
而恩之所加又過厚焉既畏且懷安得不尽心於邊事乎此聖
人任將之英略也請問爲將之道曰將以持重爲貴而不欲有
不決之病以博訪爲貴而不欲有回惑之病以和衆爲貴而不
欲有優柔之病以嚴令爲貴而不欲有殘虐之應用之以重而
諒之以奇用之以和而諒之以嚴然要之以仁義爲本亦司馬
法曰古者以仁爲本義治之謂也孫子曰道者令民與上下同
意也孫子之道則司馬之法仁義也古之爲將者軍食未炊將
不言飢軍井未達將不言渴軍幕未辨將不言倦其與士卒同
甘苦也如此近世爲將者飲食腹脰擅於前而士卒有菜蔬
之色及其戰也同防厚衛唯恐或失求其所謂身先士卒者蓋
幾希矣非獨爲將之然也而一旅之長亦以兵自奉於行陣之

開可怪也安得同士卒甘苦者而為明主之用也故曰擇將
有道任將有道為將有道三者得其道而兵強戰勝矣

大將

張待制

世之論將者皆以為見利則爭見便則奪巧詐百出務以傾軋
嗚呼以是為將此特市井屠沽之事可一鼓而俘而非所謂天
子之將也天下之所謂真智大略者委之以利而不爭知之以
害而不懼宅心於虛一之地以酬酢方來之變衆人之兵使勝
負於兩陣之間大將用兵制敵人於未然之際彼其排難制勝
嘿寓於冥冥之間而見於其兵者亡其粗者也故君人有天下
之將則英雄斂手而不敢動四夷聞風而不敢進天下皆有戰
勝之功而不見用兵之迹蓋兵不足以制天下而智足以制天
下也易曰惟深也故能通天下之志惟幾也故能成天下之務
惟神也故能不疾而速不行而至夫曰深曰幾曰神者聖人之
所以為聖人也而大將出入變化通於神明實不知之則大將之

所得以聖人之所得地也惟聖人用之於道大將用之於兵亦
故非備道全德能定能應者烏足以爲天下之大將昔者湯有
伊尹武王有太公方其耕莘釣渭之日是非得失不入乎其中
其心虛一而靜故見事也明臨利害也果一鼓而夏商之衆殲
焉伊呂非區區以兵勝天下必於道則兵者也嗟夫天下之將
不易得也湯有天下六百年而所得一伊尹周有天下八百
年而所得一太公湯未得伊尹則雖有天錫勇智之資而不敢
輕用姓師之師武王未得太公則雖有積功累行之羅而不敢
輕爲牧野之戰今日用兵所可憑藉者以祖宗神聖所可憑藉
未得夫伊尹太公之將也嗚呼天下之重而難得者將也
與夷狄爭一旦之命此正卡莊子聞西虎者也

新刊 國朝二百家名賢文粹卷第三十三
論著

用人一

選任賢能論

范文正公

王者得賢傑而天下治失賢傑而天下亂張良陳平之徒委矣
之亡漢得之興房杜魏褚之徒隋失之亡唐得之興故曰得士
者昌失士者亡書曰先王昧爽不顯坐以待旦旁求俊彥啓迪
後人其勤求人才如是之急也然則求才之道不可一端臯陶
贊禹亦曰有九德言人性行有九德乃言曰載采采載行采事
有德少言其所行禹曰何臯陶曰寬而栗性寬栗而柔而立
其德少言其所行亂而敬治也擾而毅擾順也直而
溫行正直而簡而廉簡而廉性簡大而剛而塞剛而塞剛而塞
溫氣溫和強而義義義而比比比而
合章厥有常言哉章明吉善也明九德之常孔子之門人自以
四科一曰德行謂顏淵閔子騫也顏淵閔二曰政事冉有季路

也三曰言語宰我子貢也子貢使於諸國而不辱君命也四曰文學子游子夏也經傳天地曰文札樂典章此所謂求入之道非一端也又書之說命篇曰旁求俊乂列于庶位是朝廷庶位惟俊又是求唐太宗曰天下英雄落吾彀中語曰邦有道則知邦無道則愚知則可與治國家安天下愚則可與避怨惡全一身故聖人以俊又為德不以柔訥為行如以柔訥為行而寵之則四海英雄無望於時矣使英雄失望於時則秦失張陳隋失房杜豈不誤天下之計哉

推委臣下論

范文正公

天生兆人得主乃定萬機百度不可獨當內立公卿大夫士外設公侯伯子男先擇才以處之次推公以委之然則委以人臣之職不委以人君之權臣請辨之夫執持典札修舉政教均和法令調理風俗內養万民外撫四夷師表百僚經緯百事此宰輔之職也練兵戎謹城壁脩方略威夷狄此將帥之職也肅朝

廷之儀觸搢紳之邪此御史府之職也治煩劇制豪猾此司
之職也至於金穀刑法各有牧司之職矣撫民人宣風化均徭
役平獄訟此刺史縣令之職也此皆人臣之職不可不委之也
若乃區別邪正進退左右操榮辱之柄制英雄之命此人主之
權也不可及委於臣下矣何以明之孔子曰天下有道政不在
大夫注古制之由君也晉委三卿趙文子韓宣子魏獻子延陵季子曰晉國之政
歸此三家矣後果分晉為三國漢高祖招納群英有將將之權
而取天下至于子孫不知祖宗之謀而獨委霍光又獨委王鳳
至於王莽皆有大禍西漢遂傾焉後漢光武親用二十八將而
取天下後之子孫不知祖宗之謀而獨委后族至于官官故哉
雄壻人以去惡為名東漢遂傾焉魏委司馬懿晉委劉裕其禍
亦然唐太宗為馭英雄取天下致太平至高宗朝李義府以立
后之功獨見委用陷害忠良天下憤怨明皇初用姚崇宋璟為
相而天下大治推心委之遂成故事乃李林甫代其任仍復委

之材有邪能中傷善人朝廷無敢言得失者於是明皇不聞
諫諍自謂聖相得人泰然无爲矣言路已絕故至祿山犯關向
關而明皇不知一旦變亂天下瓦解唐德遂衰初以推委而天
下治終以推委而天下亂何弊之然哉當推委之際進擢十人
上從其九是九分之恩出於下矣如此則數年之間左右前後
皆權臣之黨也若黜辱十人上從其九是九分之威出於下矣
如此則數年之間中外遠近無敢忤權臣者故下之情不達而
上之勢孤矣此明皇之失爲後代之鑑王者將收其權必先采
人采人爲難豈無其要孔子之辨門人標以四科一曰德行二
曰政事三曰言語四曰文學以四科辨之思過半矣然則朝廷
清要之位覬覦者衆必審賢以與之賢傑之才讒嫉者衆必先
時而辨之是故先王孜孜求賢以備選用且千官百辟豈能獨
選必委之於輔弼矣惟清要之職雄劇之任不可輕授於人僉
諧外更加清選聖帝明王常精意於求賢不勞慮於臨事精意

求賢則日聰明而自廣勞心臨事則日叢脞而自困宜乎屏煩
細而廣詢訪其採於正道有憂天下之心可備輔相者記之其
能言方略有烈士之風可備將帥者記之如斯之人精而求之
熟而觀之然後直清要之職授雄劇之任使人人竭力爭為腹
心於是乎得以操榮辱之柄制英雄之命庶務委乎下而大柄
歸乎上始可以言無為矣猶復置御史大夫中丞使指紆無敢
慢者置諸百七人使言路無敢蔽者置門下封駁司使制刺無
得諛者此又推委無爲之中而不嚴其防不失其權者夫若留
意佚豫不孜孜於求賢親選之時無賢可用則進退賞罰復歸
于下雖有爵祿不足爲上之恩雖有誅罰不足爲上之威矣

委任

臨川先生

人主以委任爲難人臣以塞責爲重任之重而責之重可也任
之輕而責之重不可也愚死他職請以漢之孝明之高祖之任
人也可以任則任可以止則止於一人之身才有長短取其長

則不問其短情有忠偽信其忠則不疑其偽其意曰我以其人
長於某事而任之在他事雖短何害焉我以其人忠於我心而
任之在他人雖偽何害焉故蕭何刀筆之吏也委之關中無復
西顧之憂陳平亡命之虜也出捐四萬餘金不問出入韓信輕
猾之徒也与之四萬之衆而不疑是三子者豈素著忠名哉蓋
高祖推已之心而寬於其心則他人不能離間而事以濟矣後
世循高祖則鮮有敗事不循則失故孝文雖愛鄧通猶還中屠
之志孝武不疑金霍然定天下大策當是時守文之盛者二君
而已元成之後則不然雖有何武王嘉師丹之賢而脅於外戚
豎官之寵產於帷幄近習之制是以王道浸微而不免負謗於
天下也中興之後唯世祖能馭大旨以寇鄧耿賈之徒爲任職
所以威名不減於高祖至於爲子孫慮則不然反以元成之後
三公之任多脅於外戚豎官帷幄近習之人而致敗由是置三
公之任而事歸臺閣以虛尊加之而已然而臺閣之臣位卑事

允無所統一而專於衆多之口此其爲荀外戚堅官惟唐近書
者愈矣至於治有不進水旱不時災異或起則曰三公不能燮
理陰陽而策免之甚者至于誅死豈不痛哉冲質之後桓靈之
間因循以爲故事雖有李固陳蕃之徒皆挫於閹寺之手其餘
則希世用事全軀而已何政治之能立哉此所謂任輕責重之
弊也噫常人之性有能有不能有忠有不忠知其能則任之重
可也謂其忠則委之誠可也委之誠者人亦輸其誠任之重者
人亦荷其重使上下之誠相照恩結於其心是豈禽息鳥視而
不知荷恩盡力哉故曰不疑於物物亦誠焉且蘇秦不信天下
爲燕尾生此一蘇秦傾側數國之間於秦猶以然者誠燕君厚
之之謂也故人主以狗彘畜人者人亦狗彘其行以國士待人
者人亦國士自舊故曰常人之性有能有不能有忠有不忠願
人君待之之意何如耳

舉辟論

芸閣先生

古者官屬皆自其長辟除而專其廢置自辟除則可舉所知專
廢置則不容幸人漢唐藩守尚行此法富貴名已多由此出蓋
養才之術必更煩使然後知小人之依一日用之則所行不謬
於世務故後世黨此公行其所辟召多出私徇微倖非進人不
被澤故本朝之法自一命以上皆命于朝廷雖稍革舊風然爲
治得人反減前世蓋不懲其本而治其末故弊至于此如使上
擇官長不使非其人者居之又時省歲察從而誅賞雖欲徇私
不容爲矣今辟召之法大抵不行惟帥臣監司許革數員而已
而又資選深淺必須應格而後從其餘皆命于朝廷亦非以才
選亦非以器使皆有司一切以資考條例而授之故天下郡縣
無曠官而士猶不得志搢紳非乏才而事功不革蓋革不以所
知使不以器而已此法之不可不革者也欲乞天下監司牧守
將帥皆自朝廷選擇其叅佐僚屬除州通判外皆許官長辟除
各舉所知自京朝官至于舉之不限資歷深淺杜革舊者直

行牒請不在本屬者奏取朝旨若素未深知者且許試任半年或一年舉人則三年或六年見其可任乃許上聞正授不職者即罷去之才有長短者以器使之勝其任者增秩而久任之其中過人可聞朝廷者則以時薦奉之苟涉私徇容庇徼倖許監司覈實重行廢黜如此則官長荷重任之重孰敢用非其才竊屬被所知之舉孰敢不盡其力而又小官煩事使之更習一旦用之必能周達世務亦養才之要術也

任賢使能論

芸閣先生

任賢使能古之道也二者猶陰陽之相資廢一則不可所謂任者知其賢也委之託之收其成功未嘗有間於其間也不貪者可以託府庫不疑其有欺也不奪者可以託幼孤不疑其或倍也況天下之重委得其人豈可置疑乎既疑則不如勿任之如此之謂任賢所謂使能者或行或止惟吾令而已委之以財不能任其弗竊必有術以防之付之以兵弗能任其弗暴必有法

以制之此之謂使能故任賢貴乎不疑使能貴乎善御朝廷講
修新政日求有知慮強有力之人而用之止得使能之道然犯
法者相維猶意御之未及也至于任賢之道幾乎不講似有德
者爲迂疎不濟於近用殆議者之過也夫有德之用豈在務小
人近哉其事君也合則服從不合則去非不樂事君也以爲苟
合則傷君之德其從事也可則從令不可則不從非固不從令
也以爲苟順則害君之事小夫之知姑息而已故有德之人反
若迂疎而不適於用然胡不試之居則保其必不欺臨難則知
其必不倍況乎輔天德厚人倫美風俗以取重國家豈小補哉
清問之燕訪問治道必有遠謀深慮以安天下此聞士大夫頗
有以欺罔獲罪者此正更張變革登用有德之時若乃防禁益
密委任益輕則恐止其末流不足以勝傳曰舉直措諸枉能使
枉者直又曰君子反經而已矣經正則庶民興庶民興則斯無
邪廢矣惟不疑所行天下幸甚

專任論

金華先生

臣聞興王之臣必出於天命而濟世之望自繫於民心故當求之於天而使之於民苟天與之民宜之則委國而付之虛已以聽其所爲然後危可以安亂可以治湯之於伊尹成王之於周公而高祖之於張良先主之於諸葛亮及太祖之於趙普皆終其世光明碩大卓然一人而已陛下杖策渡江于今幾年而寧相幾易矣用之未久善而屢易之未害也然天下之禍曰益急譬之病者靡然靡然矣陛下朝使一人焉而投之甚寒之劑暮又使一人焉而投之至熱之劑雖然嘗試百證皆作既已浸殆乃各責備而去莫能執其咎者况病有客痼此蓋不可以旦夕理也是則詳擇而專任之以盡其能而要其成效誠萬全之至計爾嗚呼宰相而有好功之志殆非社稷之福也時可爲而不爲不替時未可爲而爲之不祥功不可好也好之則必有矯激過中之患古之君子循理而作理盡而止遺功而功乃可成故亂定

事解而有無爲之迹昔范熈之懼在於勝楚之先而羊祜之憂在於平吳之後其所以謀國者思深慮遠蓋如此矣相社稷臣功固不足道也觀國勢之強弱考風俗之盛衰察百執事之邪正與治道之得失而宰相之賢否可見何必瞭然一二戶曉也哉苟爲天之所與而民之所望自將誘迪其衷罔不盡善惟陛下委國而付之虛已以聽其所爲可也無使雜試侵殆以深天下禍且不勝至願

舉薦論

賢良侯公

任己之聰明者其聰明有時而窮以它人之聰明爲聰明者終橫變化不可得而窮何以言之甚明者不能見秋毫之末於百步之表甚聰者不能聞疾雷之殷於百里之外非聰明之失也遠故也夫自京師達于四遠之郡縣非特百步之表百里之外而已矣而將任聰明以盡天下之事其可乎聖人知聰明之不可以任也於是乎資天下之聰明以盡天下之事而天下之事

不能逃吾之聰明捨任賢夫何以哉任賢之道先用已之聰明而後能得天下之聰明惟聖人爲能知所以用其聰明之道故務簡而不務煩務寡而不務多何謂簡寡夫子之所擇任者宰相而已豈煩多也哉以天子之聰明而止於擇相相其有失人乎是故天子以聰明擇任宰相宰相以其聰明擇任臺省職司臺省職司以其聰明擇任郡縣之吏譬之千石之重而一軍之士分而舉之才其不勝任者未之有也夫人生而愛惡之心存乎其中所喜者愛也所不喜者惡也苟愛惡生於喜與不喜之端是一人之私心而非天下之公議也此刑世從而爲薦舉保任之法焉使夫不才者不得以吾之喜而舉之於愛才者不得以吾之不喜而置之於惡蓋吾今保任之而後將同其責也三代而上有薦舉之法而無保任之法獨諸侯貢士則有賞罰黜一不適謂之過再謂之放三謂之誣三者皆所以刑地也而幸賢圖任則未聞保任之罰周襄戰國盛廢牙張吻以拒吞噬而

保任之法不得不作故秦法任人而所任不善者各以其罪罪之此鄭安平降於趙而應侯爲之不憚也本朝祖宗之初未有舉官定制凡幕職令錄郡尉各隨時而詔舉之天禧之前其舉薦大率如此而外朝官皆得舉以至有一歲中舉十數人者有筦庫之官得奉其所統之幕職者因向敏中建言而後大革其弊然猶職司奉薦獨不爲負限第不得薦其非所知者尔今也職司郡守尉其舉薦皆有定負矣蓋曰其舉縣令若干人其奉京官若干人舉者不慎廉隅則舉之者鈞其罰異乎古之薦賢也古者進賢受上賞蔽賢蒙顯戮人知貴之爲勸而罰之爲懼也故毅然公其心而務以進賢今乃舉得賢則無所勸而舉者或非其人則有所懼罪行而賞不行此偏而不起矣且兩府之崇蓋有歷州縣幕職而後至者此其亦嘗藉世人之舉矣朝廷用人必藉乎薦事而不爲之賞典此亦于賢未盡其術也初仁廟時舉官有定負而必得盡一歲所舉之數伏自陛下即

位以選人待次傷於留滯乃詔天下凡舉官務在得人不必盡
所舉之數自愚切以爲過矣今之所病者官冗也而官之所以
冗者不在乎薦舉之多也在乎求之於入仕之門而已且公卿
之家其子弟蔭補皆京曹固不由銓衡而後進安用薦舉爲哉
今明詔曰不必盡舉是適足以塞寒素進身之路尔且夫宰官
之人限之以定員而欲其必舉夫惟罰行而賞不行也彼猶有
慙定額不得已之色而況与其不舉乎臣固知公心報國之人雖
有是詔猶將盡舉而踴躍羣儒之人因成其愚而不能勉力求
賢以与祿爵之重恩尔臣讀爲之令曰凡職司郡守尉僚舉官
必得如數異時所舉之人以才職功業爲朝廷之所顯任苟至
是官則必有是賞以官之崇卑而爲之等級或進爵一級或加
祿一等其有過嚴罪惟鈞如此而舉者皆將盡心力於求賢而
天下之賢皆用於朝廷矣

自聞薦得其人則受賞薦非其人則被罰古之道也必有賞以
勸之然後可使舉善必有罰以威之然後可禁朋邪獨賞而已
則競獵虛名與僥倖以自進獨罰而已則雖有真賢皆疑畏而
不敢進之鄂秋之於蕭何一言而爵通侯驩堯之於共工一言
而放崇山何勸沮之較著也夫人之情喜賞而惡罰難賞而易
罰人之所喜國之所難也人之所惡國之所易也可以賞而賞
之緩則人必相謂曰慎無舉賢徒勞人耳賢則欲我卒而恩則
吝也况無賞乎苟可罰而必罰之則人必相謂曰慎無舉賢徒
多累耳賞則未必予人而罰則信也况專用罰乎且古者進賢
受上賞蔽賢蒙顯戮貢士之諸侯則至于加九錫不貢士之諸
侯至于黜爵地以是推之惟恐有賢而不進也堯求若采而啓
刑之囂訟乃被薦於放齊堯求治洪水而伯鯀之方命乃被薦
於四岳即其昧於知人則宜若驩堯之放可也堯則置而不問
舜則不復治之何哉蓋人實不易知而囂訟方命其惡在外而

易辨靜言象恭其惡在心而難知以堯舜之聖猶且愛而畏之
則放齊四岳之過幸豈烏驢梵同科以是推之雖或可罰猶當
恕之有賢而必進進之未當恕之勿責則是聖人之於天下求
賢之意深罪不肖之意淺用賞之意多用罰之意簡願治之意
詳施刑之意略故忠厚之化格於民心而天下无遺賢今也於
薦幸之制疑罪不肖之意深求賢之意淺用罰之意嚴用賞
之意簡施刑之意詳求治之意略如之何致天下之賢以爲吾
用哉故有司妄測朝廷之意例以進賢爲未發有罪爲本發有
罪爲有功无過進賢爲有過无功朝廷授我黜陟之權者本以
我爲健吏耳不若峻法以寡恩朝廷畀我薦幸之職者特循故
事耳今又無賞而有罰故雖有薦幸之名而先薦幸之實非徒
亡實而又市之何哉借若甲爲長吏於此乙爲長吏於彼甲幸
乙之所私然後乙幸甲之所私非有意於所舉之人也甲乙自
爲施報也惟其自施報乃假手自幸其所私非謂市之於夫薦

舉之意豈不欲得有道之士乎有道之士安能容悅以自謙豈不欲得孤寒之士乎孤寒之士其誰憐卹而爲援故凡所克舉類皆肉食者締交黨焉弥縫倡和之人未嘗聞拔一芥登擢一豪俊實可用者如是欲群賢連茹而外有是理乎陛下之聰明灼知邪正如別白黑則古之人所謂達視其所善又曰觀近且以其所爲主者不待旦言而後喻也爲今之計莫若先詔大臣議後薦賢之賞使天下無吝恩之議庶幾勸沮之道人皆信之然後使凡薦善者必如摘發之詳得以放稽焉蓋今天下之長吏凡所摘發者必鋪陳其罪以聞于上曰某人嘗爲某事可以抵罪期必抵罪而後已其所薦善者則含糊其言假借其實委具而已未嘗鋪陳其事以聞于上曰某人嘗爲某事可以任使期必任使而後已雖然固亦有鋪陳以聞上者必曰某人有幹才已於某處生財幾十方某人有機略嘗於某處鞠獄幾十次矣苟使薦舉之奏如摘發之奏則下臣之善安有不聞達者耶

廷聞而用之後便器使踐華要必使良言曰非某所薦安能至此陳平封侯而魏無知因以受賞者旌薦李之人无忘其功則其德厚矣彼出周行而封列侯自諸侯而加九錫固不可指以爲格願視其李者之高庫量爲李主之酬獎可也以今之法所舉之人一陷有罪則凡爲舉主者坐之至有削品秩上印綬不少貸今舉主以所舉酬獎又何勤焉臣又切以一郡論之夫一郡之內文武寮案不啻百人而部刺史所李之法歲才二三而許之摘發者無負數謂凡可摘發者必摘發也至于薦李奚獨不然豈使負足矣尔後雖有可李置而勿恤烏乎是朝廷許其蔽賢矣故坐席未温已李所私所私既畢餘見真可李也則謂之曰非不知君奈何李之人數已足矣臣願陛下既復薦賢之賞乃詔天下長吏見可李者李之不必限之以數或無可李則已之又不必允數則庶幾無憾焉古昔逮今長吏以薦李爲恩下吏以奔競爲俗或賣交以進已或賂人以借資或飲食玩

好以委其親信或姑息俯徇以媚其僕御或卑辭以足恭或面
柔以求悅悅離或時曾不以爲羞指天誓日曾不以爲愧自非
宣世見幾之士未有不墮其彀中而謬幸者矣願詔長吏以阿
大夫之所事即墨大夫之所以封者爲之龜鑑勿妄許人以爲
國士也必欲公幸則使下吏明其功過於考績之書無崇虛文
歲終則取諸考課之書稽考而優劣之可幸者書其可幸之行
能可黜者書其可黜之過惡揭於公堂使吏民得以議之以爲
可幸也然後幸之可黜也然後黜之則无僭无濫目之說无遺
慮矣然亦不可不防者天下被薦或多吏部病其難選也且願
以四科第之人同能偶也復以被薦多寡爲差况朝廷必使直
得祁奚則又何多矣或多賢而多薦之无憚其勞此太平之光也

考績論

河南先生

國朝考績之制自五品而下悉自上功狀有司程殿最奏以
陞退之所以甄年勞而重祿賞也夫以庸制祿天朝之典也難

進易退人臣之常也故上推其寬下競於孫官惟其才衆無觀
心然後廉耻興行風俗敦厚也今臣下自紀績效以干賞與是
則銜鬻者被錄沉默者稀遷奔競之風靡然成俗得不矯其弊
哉按唐正觀故事門下置具員以次補秩官未嘗人人自薦以
希進用也唐中三年中書上言正觀故事常參官外官五品已
上除拜中書門下皆立簿書胃之具員取其年
課以為計授此國之大綱也今諸刺史四考
郎中起居侍御史各兩考與轉余並准故事宜循其制申命有
司自五品而下謹其官備取歲月當遷者籍其治行于朝而命
之有司失舉与自上功狀者鈎其罰戾乎爵賞之柄出于天朝
貪冒之源少以懲之豈非崇遜之一端乎

考績用人之法論

淇水先生

帝王之道莫大乎知人而知人之法莫先於名實之辨為國者
莫不欲治而常患治道之不進知人難也為治者莫不欲知人
而常患君子小人之無別名實之辨也難天下如其其廣也天
下之人如其其眾也情殊而貌異如其其不一也而人君立于

朝廷之上欲以其聰明盡天下之賢愚才大且堯舜之所病也
故君子於知人之術深論而博究之則必舍其浮而取其要知
名之不可專任以取人則後名而先實名實先後之辨存乎目
前雖曰人才之難知吾亦可得而知之矣今天用名之取之也
天下知榮辱進退之權幸在乎見則將趨名而忘實邀仇以爲
高矯僞以爲行耀已惑衆以爲才倡之以親私之議和之以黨
與此周之說則名者由其目取而先實之士從是而進矣夫
以天下之公器養牙實之士而以待國家一旦之用則不亦敗
天下之事哉故用人莫若取其實欲見其實黃若觀其已試之
効居承弼之任者實能畫大事建大計調和陰陽鎮撫夷狄否
邪爲諫諍之官者實能立爭于朝而正天下之是非得失邪操
金穀之柄者實能蓄足財用通天下有無之利以富其國邪居
將帥之列者實能訓兵治戎排難卻敵息邊疆之憂邪蓋是以
明之則凡群臣百吏皆可得而知如設衡石而評物之輕重也

孔子曰如有所用必有所試矣故虞書有黜陟之法周官有大比之制至于漢之谷永京房魏之杜恕唐之劉祥道皆嘗言其事則考績之法帝王之所以爲治者又何以先於名實之辨乎

考課論

賢良侯公

喜於聞譽而不喜於聞過天下之通情也有人焉不肖而立於此誠告之曰甚矣汝之不肖也盡免勛蒙陋以自進於道乎其人必不知它人之爲謚益也是將償顏怒駸而大言以詬罵此無它人之情不喜於聞過者也試告之曰何子之才明而流輩之莫予若也其人必不知它人之爲妄諛也是將和顏釋辭而深謝之也此無它人之情喜於聞謚者也亦不肖之人猶不喜於聞過而喜於聞謚况以嚮進之士而懷好勝之心者乎考課者所以覈人之功過也人莫不喜功而惡過則所喜者將覈空而書之所惡者將設奇而匿之是改考課之法明則功不虛過不隱而大公立矣臣伏見本朝著令考選人於銓考常參官京

官於審官院考供奉而下於三正院獨轉運提刑職司未有以
考之是以治平初置考課院以考職司之功狀於以見聖心求
治任人精至也夫考課之法蓋始安者簡者之所不喜也而貪
墨殘忍之吏視考課如仇讎使州縣之職有媿安者簡貪墨殘
忍而力薄與寡莫爲之先是將因考課而黜罰也其力之厚其
與之衆則州縣安肯暴其實邪媿安苟簡將化而爲和平之政
矣貪墨殘忍將化而爲嚴能之政矣且夫媿安若簡貪墨殘忍
皆出於下僚則可也其或出於上官則州縣下僚安敢暴其
實邪有亮直之士暴其實而書之非獨憤憤然疑詰罵而已矣
又將貽它日之患而天下之人將指爲狂躁之人則夫上官之
課必下於屬官而屬官下於有司猶未爲皆得尔此考課之法
所宜戒其當也不求其當則功過之實將不得而知也昔者唐
虞三考黜陟有其人而不知所以爲課之法也以理推之建官
惟百則其法蓋亦簡易矣周官太宰三歲大計而誅賞爵更亦

徒有其文而不著其所以大計之法自唐迄周更七聖人而其
法無傳意者隨時而簡易乎京房劉邵之法煩碎甚矣非當今
之所可行也魏孝文大和之舉其有意於近古乎蓋公卿之功
過以已耳目之所常得而為之陟降也者夫外考之官則目以
謂科類黜陟之課唐室考功之法皆可擇而從之唐制應考之官
皆具錄一年功過行能本司及本州長官集衆對讀議其優劣
爲九等而預亦曰委任達官各考所統之官此其可行者也京
師考職司職司考州郡州郡各考其屬官而嚴其失實之罰則
考課之法明而功不虛過不隱矣唐之四善可用也而二十七
最不可用也何則德義清慎公平恪勤此百官之所同而可勉
使至者也而二十七最則各以其所職之長而定之且天下之
事非止於二十七涂而已尔今之所謂宗正都水轉運三者皆
唐官之所有而最法之所不及也所謂寬恤巡檢者皆唐最之
所不能包也如此之類不可殫指故曰二十七最不可用也且

最法之可發者如音律克諧不失卽奏爲樂官之最殊可怪也夫鄭衛之音與雅正之音發於聲比於律皆克諧者也皆不失節奏者也安得以爲最乎必得最者不相侔倫然後謂之諧則不知樂官之如首露者爲誰氏也故曰二十七最不可用也今之考課各視其所職而考其幹濟斯得之矣而所難知者中常之人無有功過或雖有過而無有顯狀者亦天禧初真廟謂宰相曰京朝官有曠弛不治衆所共知而無顯過者考課之際遂以其次遷擢非沮勸之道也宜志之此尤當今考課之所病也然 是者行之以權可也夫百官之才宰相固知之矣知之之明而後建白於人君人君從而察之見可黜焉然後黜之宜矣然不可委其權於外如使廉按守尉之人皆得以言夫無顯過者則愛憎之心將乘是而發矣可不慎乎

知人辨論

孫文懿公

宋穆公疾召大司馬孔父而命之曰吾欲死於三不義之君而君捨其子而立寡

人今若弃德不讓是廢先君之志請奉之以主社稷及出使公
子馮出居于鄭而立而夷是爲陽公焉君子曰宋宣公可謂知
人矣立穆公其子饗之命以義夫其謂是言也其一人之私議
就辯之在昔世淳民於理道簡易故蒼天下者建禪讓之札厥
後世浼民馳紀綱繁熾故家天下者定紹嗣之議文質迭勝煥
乎殊軌然而行之非他待人而已矣子之善封樹之可也子之
不善慎擇之可也建賢而親之用固何常焉案傳載宋陽之即
位也怠荒闇懦罔念政紀隣國窺伺交鬪不暇立十年十二戰
民不堪命華父得以挾公卿之位因衆庶之叛內肆謀孽陰漸
兇醜而興于紀亂常之志焉身犯邦困汚辱宗廟彰灼史傳爲
笑千古左丘明躬授魯旨臆述事体若謂宣公審穆公之英毅
察傷公之昧弱割忍天性曲全社稷而加以知人之號則褒貶
之善炳煥不朽矣若曰立穆公其子饗之是有小讓而忘暴民
戕國之大取得爲先君耶姑引商頌受命咸宜百禄是荷以爲

證何違戾之相乃且堯薦舜舜之終也退丹朱而進禹謂堯爲
不知人可乎舜舉禹禹之終也斥商桀而奉啟謂舜爲不知人
可乎是皆謀其大不顧其小惠資乎民不資乎親又安有中砥砥
之節以非此耳噫其亦聖人筆削之意乎

知人論

苑丘先生

甚矣用人之難也天下之實千常深伏而不發非遇事焉則有
終身不可窺者故其勇足以暴三軍伏四夷而其外如怯其節
足以斷大事成大功而其外若不能有所爲者方其未發也其
言語動作坦然無以異於常人卒然即之而不知其語是故非
有深智與明之君不得而用之而世之小人常有以自蔽其不
肖以惑世主之聽而卒敗天下之事可勝嘆哉彼小人者其中
實怯而視其外則發揚振厲而若勇其中實庸而聽其言則辯
給聞敏而若才卒然即之若其可與有爲者是故世主往往甘
心而不詳至於謀窮計失而後悔悟焉乎用人之難也如此蓋

嘗聞之古之求知人者於人也不觀於形似而察其中於已也不
不並於耳目而述於心察其中則見其所窮述於心則爲慮也
深彼小人矯欺我也不過多爲形似以動吾耳目之間而已彼
安能爲實哉而吾應之也常出其所不意而後小人之情見而
天下之實事亦雖欲伏而不得蓋昔者霍光之所爲固非有征
伐攻取之謀而文采緣飾之可嘉也雖然庸人而已耳非有武
帝之聰明不足以知之故平然用之而不疑之以兵尊之以
權提孺子之天下使之謀之而光果有以當之也蓋當其初朝
廷之臣孰不以爲過之而至其有所立則有震懼而不敢與者
然則光之平生之所爲豈可以占其後之所發哉議者不知武
帝之用光蓋其知人之明而遂以謂當時之臣惟光可以勝其
任彼徒見其成功而後知之不知當時之人才足以治軍旅決
成敗而書生儒者之論孰非伏節死義之人安肯棄而不求而
授一木強之霍光哉唐之文宗昭宗其憤亂也甚矣不愛高爵

重祿以致天下之士投至誠而尚之此其志皆可為立功而其
取人無術故徒以益亂彼李訓張洸者其言語動作如可以立
功者也太言而不顧敢為而不擇故二君惑之雖有聞焉不可
得而入其得卒然而發以區區之官人不能少制其亂提兵數
方而不能取李克用之一鐵卒之身疲困弱為天下笑彼二君
惑於形似故也李係好言兵而王鐸与之兵李元平大言而關
播授之權卒於無成為天下笑烏乎使人之知人獨視其外而
可以不疑則知人者希何其難之也

知人論

定菴先生

人不易知久矣帝堯之聖猶以為難況其下者乎故余作仁智
亭記自謂不能知人也然孔子嘗曰視其所以觀其所由察其
所安人焉廋哉孟子曰曾中正時子賤焉曾中不正時子賤焉
聽其言也觀其眸子人焉廋哉然則人雖難知亦有可知者矣
續東內午余備員諫官實天子耳目凡臣下忠邪賢否臧否

也因妄意推測當時公卿大夫余心所喜者李伯紀吳元中許
崧老李泰發吳以道潘義榮許少伊胡康侯程伯禹孫伯野梅
和勝等心所惡者耿南仲輩夫以伯紀忠勇奮發志安社稷古
人不能過此固未易得而元中等數人雖智謀才識爭問文章
至有短長究其中心所存無大姦惡縱使未能入人以死報國
余知其皆不失爲士君子乃若南仲愚闇心尤最無他長又以
其子延禧天資險薄輔成其惡此固不足論其餘雖當時罪狀
未甚顯著然輕洩浮偽姦佞明比發急不足倚余知其爲小人
必亂天下也不兩月余以論事得罪既出國門因自思念君子
小人勢不兩立今君子見疑小人見信如伯紀等必不能久若
伯紀等去南仲輩必至誤國既而伯紀數人唯伯野和勝不出
餘皆相繼罷去南仲等果用事群邪並進言陷雍秦九百措畫
顛倒謬誤是年冬金寇再來廟堂無謀隨虜女媿謀人情推戴夏
均共守邊致都城破傷二帝北征罪由此數人卒皆如余所料

雖伯野和勝不能與伯紀諸公並去然觀伯野力乞不廢趙氏
聞和勝之死亦能不屈與夫強顏苟活臣事張邦昌固有間矣
且余平生孤立不妄交結凡當時公卿大夫固不啻熟識其人
特出於一時聞見然已足知之則人果有可知者矣皇朝九德
莊周九證皆可以知人若參二說反覆詳求其用心豈有能
述之者哉雖然衡以平故物之輕重不能欺鑑以明故形之妍
醜不能逃如在我者持心不平見理不明則是非紛亂賢否混
亂雖欲知之不可得矣然則知人之要先乎反其在我者耳可
不慎歟可不慎歟

新刊 國朝二百家名賢文粹卷第三十四

論著

用人二

材論

臨川先生

天下之患不患材之不衆患上之人不欲其衆不患士之不欲
爲患一之人不使其爲也夫材之用國之棟梁也得之則安以
榮失之則亡以辱然上之人不欲其衆不使其爲者何也是有
三蔽焉其最蔽者以爲吾之位可以去辱絕危終身無天下之
患材之得失無補於治亂之數故偃然肆吾之志而卒入於敗
亂危辱此一蔽也又或以謂吾之爵祿貴富足以誘天下之士
榮辱憂戚在我是吾可以坐驕天下之士而其將無不趨我者
則亦卒入於敗亂危辱而已此亦一蔽也又或不求所以養育
取用之道而謾謾然以爲天下實無材於古則亦卒入於敗亂
危辱而已此亦一蔽也此三蔽者其爲患則同然而用心善而

猶可以論其失者。倘以天下為無材者。身蓋其心。非不欲用天下之材。特未知其故也。且人之有材。能有其形。何以異於人哉。惟其遇事而事治。畫策而利害得。治國而國安。利此其所以異於人者也。故上之人。苟不能精察之。審用之。則雖抱負萬機。契之智。且不能自異於眾。況其下者乎。出之蔽者。方曰人之有異能於其身。由錐之在囊。豈非立見故未有有其實而不可見者也。此徒有見於錐之在囊。而固未覩夫馬之在既也。驚驥雜處。其所以飲水食芻。嘶蹄齧求其所以異者。蓋寡及其引重車。趨夷路。不屢策不煩御。一頓其轡而千里已至矣。當是之時。使駑馬並驅。方駕則雖傾輪絕勒。敗筋傷骨。不舍晝夜而追之。遼乎其不可及也。夫然後騏驎嬰裘。與駑駘別矣。古之人。君知其如此。故不以為天下無材。盡其道以求而試之。耳。試之之道。在當其所能而已。夫南越之脩鋒鏃。以百鍊之精。金羽以秋鷄之勁。翻加強弩之上。而橫之千步之外。雖有率兒之捍。無不立

穿而死者此天下之利器而決勝觀武之所寶也然而不知其
所宜用而以敲扑則無以異於朽槁之挺也是知雖得天下之
瑰材能智而用之不得其方亦若此矣古之人君知其如此於
是鍊其能而審處之使大者小者長者短者強者弱者無不
適其任者焉其如是則士之愚蒙鄙陋者皆能奮其所知以効
小事況其賢能智力卓犖者乎嗚呼後之在位者蓋未嘗求其
說而試之以寶也而徒曰天下果無材亦未之思而已矣蓋聞
古之人於材有以教育成就之而子獨言其求而用之者何也
曰因天下法度未立之後必先索天下之材而用之如能用天
下之材則所以能復先王之法度能復先王之法度則天下之
小事無不如先王時矣况教育成就人材之大者乎此吾所以
獨言求而用之之道者噫今天下蓋嘗患無材可用者吾聞之
六國合從而辯說之材出劉項並世而籌畫戰鬪之徒起唐太
宗欲治而謀謀諫諍之佐來此數輩者方此艱艱未出之時蓋

宋嘗有也人君苟欲之斯至矣今亦患上之不求之不用之耳
天下之廣人物之衆而曰果無一者吾不信也

取才論

臨川先生

夫工人之爲業也必先淬礪其器用揄度其材幹然後致力寡
而用功得矣聖人之於國也必先遴揀其賢能練覈其名實然
後任使逸而事以濟矣故取人之道世之急務也自古守文之
君孰不有意於是哉然其間得人者有之失士者不能無焉稱
職者有之謬幸者不能無焉必欲得人稱職不失士不謬幸且
如漢左雄所議諸生試家法文吏課牋奏爲得矣所謂文吏者
不徒苟尚文辭而已必也通古今習禮法天文人事政教更張
然後施之職事則以計乎政弊有大議論使以古今參之是也
所謂諸古者不獨取訓習口讀而已必也習典札明制度且主
威儀持政訟釁然後施之職事則以繩飾治道有大議論則以
經術斷之是也以參準古今之進士古之文吏也今之怪幸古之

儒生也然其策進士則但以章句聲病苟尚文辭類皆小能者
爲之策經義者徒以記問爲能不責大義類皆蒙鄙者能之
使通才之人或見贅於時高世之士或見排於俗故屬文者至
相戒曰涉獵可爲也詎豔可尚也於政事何爲哉守經者曰傳
寫可爲也誦習可動也於義理何取哉故其父兄勗其子弟師
長勗其門人相爲浮豔之作以追時好而取世資也何哉其取
舍好尚如此所習不得不然也若此之類而當擢之職位歷之
仕途一旦國家有大議論立碑雍明堂損益礼制更著律令史
議疑獄後惡能以詳乎政事緣飾虛道以古今參之以經術斷
之哉是以唯唯而已文中子曰文乎文乎苟作去乎哉必也貴
乎道乎止學乎情誦云乎哉必也濟乎義故乎之不可苟取也
久矣必若差別類能宜少依漢之牋奏家法之義策進士者若
曰邦家之大計何先治人之要務何急政教之利害何大害慶
之計策何出使之以時務之所宜言之不直以章句聲病累其

宋絳李者曰孔樂之損益何宜天地之變化何如孔器之
制度何尚名傳經義以對不獨以記問傳寫爲能然後署之甲
乙以外縣之庶其取會之鑑灼于目前是豈惡有用而事無用
辭逸而就勞哉故孝者不習無用之言則業專而脩矣一心治
道則習貴而入矣若此之類施之朝廷用之牧民何嚮而不和
哉其他隄年之議亦無取矣

廣士論

老泉先生

古之取士取於盜賊取於夷狄非以盜賊夷狄之事可爲也以
賢之所在焉而已矣夫賢之所在貴而貴取焉賤而賤取焉是
以盜賊下人夷狄異類雖奴隸之所耻而往往登之朝廷坐之
郡國而不以爲耻而繩趨尺步華言華服者往往反擯弃不用
何則天下之能繩趨而尺步華言而華服者衆也朝廷之政郡
國之事非特如此而可治也彼雖不能繩趨而尺步華言而華
服然而其才果可用於此則居此位可也古者天下之國大而

多士大夫者不過曰齊與秦也而管夷吾相齊賢也而墨子盜
焉穆公霸秦賢也幸由余蒞是其能果於是非而不牽於衆人
之議也未聞有以用盜賊夷狄而鄙之者也今有人非盜賊非
夷狄而猶不獲用且不知其故何也夫古之用人無擇於勢布
衣寒士而賢則用之公卿之子弟而賢則用之武夫健卒而賢
則用之巫醫方技而賢則用之胥史賤吏而賢則用之今也布
衣寒士持方尺之紙書數病劇癘之文而至身方鐘之祿卿大
夫之子弟飽食於家一出而驅高車駕大馬以爲民上武夫健
卒有灑掃之力奔走之僇乃領藩郡執兵柄巫醫方技一言
之貴大目且幸以爲吏若此者皆非賢也皆非功也是今之所
以達人之途多於古也而有胥史賤吏獨棄而不錄使老死於蔽
榜趨走而賢與功者不獲一施且甚惑也不知胥史之賢優而
養之則儒生武士或所不若昔者漢有天下平津侯樂安侯
皆號爲儒宗而卒不能爲漢立不世大功而其卓絕高邁震耀

四海者其賢人之出於吏胥中者耳夫趙廣漢河間之郡吏也尹翁歸河東之縣吏也張敞太守之卒吏也王尊涿郡之書佐也是皆雄雋明達出之可以爲將而內之可以爲相者也而皆出於吏胥中者有以也夫吏胥之人少而而習法律長而習獄訟老成豪長憚憚伏吏之情狀變化出入無不諳究因而賞之則豪民猾吏之弊表裏盡未畢見於外無所非遁而又上之人擇之以才遇之以禮而其志復自知得自奮於公卿故終不肯自棄於地以賈罪戾而敗其終身之用故當此時士君子皆優爲之而其間自縱於大惡者大約亦不過幾人而其尤賢者乃至成功如是今之吏胥則不然始而入之不擇也終而遇之以大最也長吏一怒不問罪否袒而笞之喜而接之乃反與交手焉而其人常曰長吏待我以大氣我何望而不爲大最哉是以平民不能自棄爲大最之行不肯爲吏矣况士君子乃肯徼倖焉之乎然欲使之謹飭可用如兩漢亦不過擇之以才待之以禮

恐其小過而棄絕其大惡之不可貫忍著而後察其賢有功而
爵之祿之貴之勿棄之於冗沬之間則彼有異於功名自尊其
身不敢苟奪而苟才絕智出矣夫人固有才智奇絕而不能為
新句名數聲律之業者又有幸而不為者苟一之以進二制策
是使奇才絕智有時而窮也使吏胥之人得出為長吏是使一
介之才無所逃也進主制策網之於上此又網之於下而曰天
下有遺才者吾不信也

養才論

老泉先生

夫人之所為有可勉強者有不可勉強者嗚呼然而為仁子子
然而為義不食片言以為信不見小利以為廉雖古之所謂仁
與義信與廉者不止若是而天下之人亦不曰是非仁人是非
義人是非信人是非廉人此則無諸已而可勉強以到者也在
朝廷而自官肅在邊鄙而四夷懼坐之於繁劇紛擾之中而不
舌撻之於羽檄奔走之地而不惑為吏而吏為將而無若是者

豈非天之所與性之所有不可勉強而能也道與德可勉以進也才不可強撓以進也今有二人焉一人善揖讓一人善騎射則人未有不以揖讓賢於騎射矣然而揖讓者未必善騎射而騎射者捨其弓矢揖讓於其間則未必失容何哉才難強而道易勉也吾觀世之用人好以可勉強之道與德而加之不可勉強之才之上而曰我貴賢賤能是以道與德未足以化人而才有遺焉然而為此者亦有由矣有才者而不能為衆人所勉強者耳何則奇傑之士常好自負踈雋傲誕不事繩檢往往冒法律蠲刑禁叫號驩呼以發其一時之樂而不顧其禍噴利醜酒使氣傲物志氣一發則偃然遠去不可羈束以礼法然及其一旦翻然而悟折節而不為此以留意於向所謂道與德可勉強者則何病不至奈何以僕微小道加諸其上哉夫其不肯規規以事禮法而必自縱以為此者乃上之人之過也古之養奇傑也任之以權專之以爵厚之以祿重之以恩責之以精進天下

之務而易其平居自縱之心而嚴色耳目之欲又以極於外故
不待放恣而後為樂今則不然苛傑無尺寸之柄位一命之爵
食斗外之祿者過半彼又安得不越法逾禮而自快邪我又安
可急之以法使不得泰然自縱邪今我繩之以法亦已急矣急
之而不已而隨之以刑彼有北走胡南走越耳噫無事之時既
不能養及其不幸一旦有邊境之患繁亂難治之事而後優詔
以召之豐爵重祿以結之則彼已憾矣夫彼固非純忠者也又
安肯默然於窮困無用之地而已邪周公之時天下號為至治
四夷已目服卿大夫士已稱職當是時雖有苛傑無所復用而
其礼法風俗尤復細密幸朝廷与四海之人無不遵蹈而其八
議之中猶有曰議能者况當今天下未甚至治四夷未服且服
卿大夫士未皆稱職禮法風俗又非細密如周之盛時而苛傑
之士復有困於簿書案牘間者則反可不議其能而怨之乎所
宜哀其才而賞其過無使為刀筆吏所困則庶乎盡其才矣或

司奇傑之士有過得以免則天下之人孰不自謂奇傑而欲免其過者是終亦瀆法亂教爾曰是則然矣然而奇傑之所為必戾然出於衆人之上苟指其已成之功以曉天下俾得以贖其過而其未有功者則委之以難治之事而責其成績則天下之人不敢自謂奇傑而真奇傑者出矣

養才論

芸閣先生

前代官府祿屬率用士人近世如州郡六曹徒有其名實不當事案牘文移悉歸使院監司之屬皆是吏人雖以行重法止其姦傲但委失其方亦莫之禁欲使諸路監司州縣皆置錄事及六曹掾主行諸案悉長官自辟監司及諸州許辟本資序人官小者權攝或辟士人權攝亦聽縣則止辟士人其俸祿皆給以見今吏人之祿亦三歲改績聞于有司而外黜之事少者併省官不必具逐曹量置書公吏書寫文字而已其定檢行遣點檢案牘簿書皆自本曹官主行如諸州使院之類轉運等司公押官

孔目官職級之類一切省去諸縣亦許委掾屬定奪公事給納
錢穀縣令止令聽政而已不審細事如此則曹事必治不須重法
致敝自息今之縣令出納應報不暇府史之職亦安能長人以
修一邑之政乎二人既試以事在官進用必收實效與科舉取
人異矣養才之術無先於此

用材論

賢良佚公

呂開閭極之君必多得英雄豪傑之士以為佐命而平成之
其得人實寡於初基求其說蓋平成之時取人以權量初基之
際則權量以苟天下之才何則開極之君急於功業才高者進
力高者用蓋所尊者戰勝者榮雖屠伯販糴竊盜汙濫之人苟
有刃長自得其術其所施設此英雄豪傑之所為多也天下既定
文治並用清談者以為高累行者以為賢畏懦者以為謹若首
經術者以為真儒屠狗者目之為暴夫也販糴者目之為賤商
也竊盜者目之為凶惡也汙濫者目之為匪人也四者不得與

士大夫齒而要求其才用乎今之制科進士明經明法武奎之類皆權量之物也而欲求不可權量之人不亦過乎雖間或得入然英豪雄傑之士不若宗祖之多也臣竊謂平成之世宜取人猶良醫金石草木齒骨毛蚘瘵者溫者分者臭者甘者苦者和者毒者莫不畢收以備攻治之用若夫辯博之可使奉使剛直之可使弼違智勇之可使治邊文章之可使近侍柔良之可使蒞民精慎之可使典選心計之可使商利水卒之可使行河孝弟者奇旌之以風俗廉潔者可尊之以風吏隱遜者可聘之以風士此皆太平之所必得也然而致太平之道則在主焉在相焉管子曰君欲治國強兵則五子者存焉若欲霸王則夷吾在此此夫奇才不可以權量局也以目觀之使夷吾生於今之時必將以侈僭爲靈官之所深詆尚何大用之敢觀乎自歷觀前世之君竊謂漢魏二武爲能取人蓋漢武病常士之陸陸而思得鉅弛之士以駕馭之求其成功故四百年間獨孝武一朝

為得人之盛以相如之文章嚴助朱買臣之才辯而皆不得大
用於是知孝武之果能用入以其輕虛言而重大幹也魏武興
霸切於求賢蓋當三下令於當時初則曰得無披褐懷玉釣於
渭濱益婦度金車適知已乎則曰進取之士未必能有行有司
明思收養則士庶咸歸終則曰文俗之吏高才異質或堪為將
首領計等之名昇笑之行或不仁不孝而有治國用兵之術其
各舉所知是以魏之得人駕有前王且故曰漢魏二武為能取
人漢武班固稱其雄才大略魏山陳壽稱其明略最優良以此
也夫高世之人非雄材明略之君固亦不可以駕馭散財以
撫士則有收人心之疑汲賢以收則有結朋比之誘以便且
制邊事則有懷異圖之譖以用指時病則有輕人主之責是
皆明君之所深察也方今朝固多士然卓越魁磊之才為天下
所知者不過數人而已雖二虜守盟不可無備方一而北邊有警
中外皆欲得人則孰為陛下竭謀盡力而決勝於邊境之上哉

臣以爲高才異質之人或有負俗之累則朝廷所設科選皆不得就或者又不能爲科選之業是太平之時徒有高才異質而不得齒不爲天下之所知用可爲嘆息也今夫有負俗之累者獨可從軍亦高才異質之人其心且欲佐人主役使夷夏而肯從軍以受它人之所役使者乎此當今取士之未周也臣不敢援前古以爲迂闊之談如种世衡得罪於仁宗之初削籍亦賈州死灰照復然之望也然仁宗復其爵而任之康定慶曆之間管田青澗保寧環州出奇謀以間虜之君臣使誅握兵用事者天未欲退一夷夏而出衡以疾死不然元昊之首徇於某街矣由此觀之陛下必欲得英豪雄傑之人以備任使則非科選權量之所能得也是直深詔大目如魏武之三令俾舉其所知而神明躬察焉取士之路其盡此矣

辨儒論

直講李公

儒者關治亂乎曰然用則治不用則亂平曰非也用儒而治者

有之矣用儒而亂者有之矣故儒得其人則為福不得其人則為賊以小人之質而被聖賢之文如虎斯翼固攫人於都市耳夫古之事多矣或同而異各有為也小入用之則稱其一而隱其二以周上而行私矣飾災異則曰堯水湯旱而不曰宋景退災惑辭多壘則曰獫狁至太原而不曰守在四夷欲擅其權則曰舜德無為而不曰明目達聰治不如古則曰帝王不相公襲而不曰一變至道此類如物怪變化不可勝窮故助王鳳者數千人王蓋主以疑上心避諱呂霍而弗肯稱也嗚呼用儒至此其亦之湯公有不妄邪

尊賢論

法溪先生

孔子曰三人行必有我師以三入之寡而猶足有賢者而可師天三人尚爾況為一邑者哉言優為武城宰孔子曰汝得人焉耳乎武城小邑也孔子責其賢者夫一邑尚爾況為一國者哉魏文侯得卜子夏田子方段干木而師之得魏成子樂羊李克

屈侯鮒而臣之遂爲顯諸侯夫爲一國尚爾況爲天下者乎故
雖堯舜禹湯文武周公之爲天下其聖智聰明已不可陞級而
望之矣然其吐哺輟沐圖見賢士乃甚於危迫之君若朝夕遂
亡其天下者得非其任天下者重必得衆賢士而共舉之則其
沛然有餘力矣今天下之廣若非三人之寡一邑之小諸侯之
國也而尊賢聘士之禮則簡缺不聞間或有詔書具文而已近
之守臣亦頗薦山林之處士而朝廷忽焉如飄風之歷耳或重
違大臣之請則其高者乃得助教次之子數十帛下之寢不報
矣此豈致賢之意乎彼且將包畜閉結幅其服而疾去之漫浪
乎曠山荒野之間伏草莽而不出矣今天夫一舉進士經生其賜
第者動千餘人間有窮老及被兵寇者悉推之恩澤又數百十
人大禮之後公卿之子弟親戚臺省之吏胥與夫貴人之奴隸
亦數百十人大較五歲間所得補官者亡慮數千人者盡以爲
才能而當補之乎苟欲例官之也數千人之衆則以例官之一

山林之處士則稱銖銖量黍而差進之乃不得齒吏胥奴隸之末
頭得一助教次之予數十帛下之寢不報何其弃薄如此耶今
之号助教至爲賤不數也當民之輸錢者則命之鑿藥之工出
入權貴之門者則命之遂欲使處士與之同稱則孰不及辱而
歎笑之是朝廷以富民鑿藥之工待天下之賢者也彼且受之
而未常辭處之而自若也彼其以道自任故也卑之爲助教又
何辱尊之爲宰相又何榮然而不足爲處士之辱而適足爲國
家之辱於有道之士又何輕重乎哉夫國家以數千之衆問例
使之從政豈惜一幕官不爲處士地乎唐之聘處士至以拾遺
著作郎今易以幕官蓋已隘矣而靳靳然不足爲也或者以處
士盜虛名而不果知其實用宜若不可開其漸夫致一士所以
致天下之士以一處士盜名遂廢天下士可乎昔周公執費而
見者十人還勃而見三十人貌執之士百有餘人欲言而請畢
事者十有餘人於是僅得三又焉周公之所得者止於三人然

而三人獨出於十人三十人乃出乎百人千人之間也如周公不能致千人則是遺其百人者矣不能致百人則是遺其三十人者矣不能致三十人則是遺其十人者矣是三人者又曷從而出哉又烏足以定天下哉今進一處士而棄薄之則將何以致千人而取三人者乎惟其將有致也則宜少厚之而已矣

勵節論

賢良侯公

古之人不以廉爲名非無廉也夫人而皆廉也不以忠孝爲名非無忠孝也夫人而皆忠孝也夫人而廉也夫人而忠孝也則孰得以自名也哉天下之人皆堅其所守而不敢過分以苟於利是夫人而皆廉也苟百世而有一人獨能抗卓越不可企及之節然後可以得名乎爲廉有人焉謂之伯夷非其君不事非其民不使故自皇帝迄三代而獨伯夷以廉聞於天下則夫士之所謂廉者古人之所以常行也天下之人皆務盡心以事乎其君而立功立事是夫人皆忠也苟百世而有一人獨能成事

越不可企及之功然後可以得名乎爲忠有人焉謂之伯禹不
以其父之殛而盡心力以抑洪水故自皇帝迄三代而獨伯禹
以忠聞於天下則夫世之所謂忠者古之人所以常行也天下
之人皆知先意以養其父母而無違是夫人而皆孝也苟百世
而有一人獨能蹈卓哉不可企及之行然後可以得名乎爲孝
有人焉謂之大舜父頑母嚚克諧以孝故自皇帝迄三代而獨
大舜以孝聞於天下則夫世之所謂孝者古人之所以常行也
凡世之所謂廉也忠也孝也皆古人之所常行是以獨不得竊而
爲名後世廉則貨利忠邪孝逆錯立於世天下之人聞其爲廉
也而責之聞其爲忠孝也而慕之故其人雖未能及乎古之常
人而已得令名於當世矣夫棄廉弗忠叛孝皆小人之事也而
士大夫間或爲之此何邪與民爭利傷於廉也媿安受祿傷於
忠也忘義辱親傷於孝也然而見者罕以爲譏天下罕以爲耻
蓋習俗之執而不皆知其爲非也故與民爭利不以爲傷廉而

以爲得治生之術媿安受祿不以爲傷忠而以爲得和容之福
忘義辱親不以爲傷孝而以爲得保身之道此無它嚴罰不行
乎上而名節不立乎下之所由致也臣切見比年有仕至守宰
而以饕餮貪被劾者其身閔三木而死愧色及其獄成陛下又重
實於法以懲天下而天下之仕者終未之革職司以伺察聞
奏者陸陸不絕此非法雖重而人不畏邪夫貪墨之人雖暫片
其任不出十年爲郊赦前條則解用之於筦庫矣雖不得治民
之權而官猶若也是凡貪墨之人其廢辱擯弃止於十年而已
矣宜仕途猶有貪墨之人也以天下之廣意者貪墨之人又有
幸而免者乎夫惟貪墨之多故士大夫商販營利而不以爲耻
何則吾財也利者吾財之所營而能得也非贖貨於人尔吾何
恤哉苟如是而言之以貪之輕者以貪之重者則商販營利爲
猶廉尔苟由名節而言之是亦清議者之所不齒也且寒素之
士得一名授一任有飲水食糲秋毫不敢私於人而終身不遇

知已者貪墨之人惟其豐財厚利足以締結於市人而流譽于
進此廉節之所以益傷也今天下之士欲得一變而起於廉
者無它焉善勗其所為而已矣蓋論之曰苟貪墨之人以罪黜
者終身民之罪大者終身錮之其不足民且錮者數之无赦然
後擢清慎修潔之士而驟其進用俾天下職司守尉之所薦者
其所上章皆先言其廉而後言其才術庶乎從仕之人知其所
戒勸矣或曰今之薦章皆有同罪之文足以著其為廉也何以
言為且曰不然凡言之明則其激人也深今其言曰若人以廉
也而曰卒之非獨使卒者之益思砥礪也而未得卒者將沽名
於廉以售知矣夫名不足以致異人而足以得常士常士皆企
踵而為廉則天下之士安有不廉者乎傳曰仁者安仁智者利
仁畏罪者強仁夫廉亦如是而已廉者安廉智者利廉畏罪者
強廉安焉者不待乎吾勗也吾勗之彼固已廉吾不勗之盡亦
未嘗失其為廉也利焉者待乎吾勗也畏焉者既樂乎吾勗而

又懼平害法也故周官小宰以六計弊群吏之治凡善者能政
勸其端平中法明辨之士其弊皆以廉為本則名節無大於
廉者乎

辨蜀論

魯國先生

自古論議多以蜀人為疑苟可以防閑沮遏無不為矣吾
不知其說也以公孫述嘗有蜀乎是時王郎據邯鄲虜芳據九
原劉永據東夷隗囂據秦隴而秦豐李憲之屬蜀不可勝數何獨
蜀也以劉氏嘗有蜀乎是時曹氏據河南袁紹據河朔袁術據
九江劉表據荊州孫氏據江表而公孫度宋度建之屬不可勝
數何獨蜀也以王孟嘗有蜀乎是時劉隱稱南漢李景稱南唐
錢鏐稱吳越劉崇稱東漢而馬商王審知高季興之屬不可勝
數何獨蜀也議者以蜀蜀有劍閣之險白帝之隘是大不然吳
有長江魏有成皋趙有井陘燕有飛狐秦有嶺西天下之險有
甚於蜀者矣而議者又謂蜀有沃野之饒蓋鐵之富是又不然

史稱秦地膏腴謂之陸海齊有魚鹽絲麻戰國最爲強雄楚通
百越擅三江五湖之利矣又鼓鐵燄植通天下天下之富有甚
於蜀者矣江左寇盜不止於譙縱山東藩鎮十倍於劉闢計陵
之圍難拔於均順江津之謀易敗於逢育今天下無事大臣長
慮却顧推自昔禍患之所從起而並陳之此其意則是矣而獨
於蜀則吾不知也

論用人

定菴先生

漢宣帝既察蕭望之經明持重論議有餘材任宰相且欲詳試
其政事復以爲左馮翊蓋先王任官必須精加考察使更歷內
外知其可用然後用之宣帝所以成中興之功得此道也本朝
祖宗用人限以資格堂除唯殿試優等及試中制科然雖先與
外任雖大魁亦初授通判還朝方得館職充開封職官始擢臺
諫又除監司少歷三司戶部蓋職副使然後列侍從爲政府審
其才能足以大用亦須歷試不許驟遷非唯養成人材蓋所以

抑僥倖也嘗聞韓魏公欲除錢公輔蘇頌作正字富鄭公曰錢
係三名更歷既多可以召試蘇乃田科未其補外且除監司魏
公以爲然後三年方知制誥如君倚子容可謂奇才而二公亦
不妄要擢况其餘瑣瑣者哉熙豐以來廢去資格新進晚生稍
能趨附或有夤緣必不次用之於是開奔競之門長浮薄之風
至崇觀宣和間祖宗成法一切掃盡吏部員闕盡歸堂除士人
游幸校在場屋薄有少少聲稱則不復親州縣簿書例求李官
博士既歷師儒便陞臺閣不十五年作侍從兩府多矣其人微
其望輕不知民情不曉政事以至兵刑金穀天下利病事無不
然國家緩急無可倚賴而輿輿及亂職此之由也烏乎人之才能
長短小大固自有限必由經歷之多然後能諳練庶事豈可不試哉今
朝廷漸復祖宗良法革去熙豐弊政它日事主要當振起綱綱修
明百度其於用人尤在所先苟能以近世爲鑑稍稍資格使士人各
安分守不務躁進可以得真賢實能任使之太平豈難致哉